

四庫全書

集部

# 欽定四庫全書

集部

景迂生集卷五

詳校官庶吉士臣初喬齡

侍讀臣孫球覆勘

總校官編修臣王燕緒

校對官中書臣王慶長

謄錄監生臣楊渤

欽定四庫全書

景迂生集卷五

宋晁以道撰

古詩

感事

十年三冬時  
櫃火簾小室讀書似少疲  
坐睡塵兩膝飛雪封我窗  
號風過我壁時有可語人對之亦默默  
當時不知樂興言在今夕  
今夕何為者荒山事行役僕馭同

飢寒慙恍若有失旅舍既淒涼臺牒更狼藉始信柳柳  
州怨此南夷謫歸去亦何難清時惟所適

平昔於王褒贈同處士八絕中喜誦其龍尾禪  
室一首今連日行荒山中頗增幽居之興以  
其句為一首寄楊中立謝顯道劉壯與陳叔  
易同趣歸期也有好事者亦不予鄙

井汲纔通徑

山頭百尺井有徑看如失唯有參橫時山人起自汲

蓬蒿自杜門

藜牀坐來久前年曾到門  
聞道蓬蒿滿秋風著舊根

人還虛室靜

何許人到來得葯尋歸徑  
吾廬月不落象外獨常靜

鳥宿暮林喧

未晚鳥歸宿倦飛憎世樊  
綸巾久接狎訴語不嫌喧

貧賤

貧賤不可惡白首不敢辭  
聖人為我戒敢不周旋之山

王亦何事五君詎見遺奈彼後世何論評相瑕疵雖有  
解嘲人正自漫爾為寄言宦達子努力向金閨

送知府張路鈐還闕

橐戈未肯下靈州白馬將軍今白頭將軍父子重儒術  
坐有綠衣人則休六年謠頌詭園洛卧使雕山添岵嶸  
看山飲水無一事日俸歲飢欣自若匹馬駸駸朝九天  
晚交送別亦潸然煩君去路望嵩少猿鶴相思端可憐  
公之先德太尉常云坐上有著綠  
書生便釋然忘懷太尉名守約

思四明所居與桃紅渡相對

今朝旅恨到何處  
軒窗直對桃花渡  
桃花渡上風吹雨  
道人芒屨誰來去

涼州女

涼州女紫塞春輕黃  
濃黛君莫謳漢宮  
曾此選才人鹿角  
角魚鱗有山有水  
無此珍我強寬愁  
亦怒嗔逢著澄江  
悔不詠功曹豈自  
誇詩聖

楊班湫神恩加廣應公以其誥祭之

平生笑殺詛楚文今朝酈峙祭湫神嗟爾湫神何為者  
上公衮冕皇恩新日出輝輝收霰雪彷彿拜命若可親  
湫神傳云是楊班墳墓突兀自姚秦當時功闕今不著  
崔蕭之史討無因將軍得名宜勇哉里俗所頌疑未真  
黃蜂往媒康氏女親迎波間不敢嚙至今七夕後二日  
康家送女紛紅巾神視可已胡不已清明之德先諸身  
湫初來徙雷霆夜鬼借百車載淵淵宜囚厲鬼縛惡虎  
螟螣何足煩怒嗔邦人不困亦不飢山可夜入耕陽春



初無稂稻勞灌溉黃禾黑黍易與仁敢言此水淺於舊  
霧霏雨起雲輪困千人一日酌不竭神物所寓誰敢塵  
豈但簫鼓十州遠祭秩已與四瀆倫異時香火故允會  
品極勢重力益振位浮於人神所殛神忝厥職亦愧人  
我來再拜不私禱上佐邦國下斯民敢學韓子炭谷湫  
嘲慳悔怪徒跋跋

寄琦公

住小溪

窮塞歲暮懷琦公實真侶恨此長城風不送小溪雨夢

斷七十強心留五字苦斯世何寂寥無人稱支許

寄光公

湖上石楠花出屋待久老僧來默默徐言經歲不出門  
偶向今朝移苦竹有琴掛壁積塵埃強之使彈響山谷  
至今兩耳猶泠泠邊風日夜相思曲

洛川驛中夢與一故人作詩十餘韻既覺惟記  
其兩句南山絡條華四顧吃所哀因識之

西征豈不樂夢中詩佳哉南山絡條華四顧吃所哀山

川今可夢小謝恨能裁無令辜此夕羸馬空徘徊

君子有所恨

君子有所恨擊指血不躁相望已千古欲語安得到荆  
卿無劍術商君棄霸道二子苟不然功烈迴穹昊嗟哉  
淺丈夫不自極懷抱

洗山

公事豈不猥吾性自有適驩言春風初洗山出怪石何  
幸此土壤頑驚壓空碧巔巖有天姿畚鍤不待力橫如

魚出泥縱若月退蝕乃知凶讒輩暫為忠良賊后德頗  
清明萬類各有職吾悲茲世人因之聊嘆息嘗聞道人  
語無垢法第一多謝讀易者洗心如玉璧

二月初山上作

與春相別云一歲遼鶴有恨不足加意韻寂寥莫我適  
起逐春風山徑斜春風自與時窈窕豈為來開桃李花  
不然春來已幾日何處桃李不枯槎乃知桃李善干取  
遠交深託待紛葩政如世間嫵媚子巡牆倚戶漸齒牙

公卿初豈以爾故腰金佩玉騰聲華區區更憐蜂蝶輩  
草根花底為生涯此理前人未見之我今獨得頻咨嗟  
生無京國名園分況此邊城萬里沙

夜雨

夜雨豈不好欠竹與芭蕉可想春意足不聞聲蕭蕭清  
夢江之南雲霓正逍遙舊遊二三子為我吹笙簫覺來  
耳餘清明日是何朝

久留帳下日夕思歸輒作長言一首告別經略

安撫侍郎

亂山急雨佐吾愁，春去已遠人淹留。  
誰能一飲一車酒，縱談醉膽下涼州。  
元戎高韻撫鸞鳳，舊有沙堤幾步長。  
眼底不堪論往事，且誇羯鼓似邠娘。  
唐稱邠娘羯鼓應憐逋客羞澁餘思歸，欲自駕柴車。  
月邊風冷不得住，凡骨徒有

曼都嗟

項曼都既仙去月邊多風寒思人間

聽唱秦少游溪路雨添花詞感舊作

秦郎不知我，我豈知秦郎。  
相逢每戲劇，此獨而彼狂坐。

有今輔弼正色屢低昂逮今白髮垂悔昔少年場一聞  
溪路雨淚與雨爭行黃鸝千百在斯人今則亡如其並  
老去娛樂豈遽央況復有諸生遺頌滿汝陽

予與少游  
蔡州教授

交代瘴霧殺君時龍門曾慟傷今雖苟生活蒼蠅待我傍  
誰家有歌喉此曲宜斷腸攄我一夕恨與世同悲涼

書事學謝康樂

南北夏綿絡同名園與鄴歲月老羈旅何事勤所勤情  
勝古今契身以邪正分清音幸先後曠懷得朝曛山腰

轉嘉樹風袖落閒雲盤磴去來迷飛泉高下聞龍栢肯

予媾上苑侍吾君

章聖後苑雜花詩  
十首中有龍栢

三花論繾綣丹丘

舊網緼中抱既兀兀外驚徒紛紛映窻有翰墨滿架亦  
典墳據虹宮棟宇流汗程斧斤少時嘉詭俗老境思同  
羣不復夢江湖詩成心自欣

書觸目

山以石得名土惟山之賊如何此云山土石相充斥土  
上而石下無良躋有德土實最下底位高忝厥職或云



三千年此土化為石頑陰不壓陽如寄  
整容迹因知造化功不出纖毫力  
君子自苦辛小人多羽翼念從開闢  
來久矣莫變革吾其奈此何唧唧復唧唧

題鄜州牡丹

牡丹憎我真惡客不解飲酒不吟詩  
欣持一尊勸花飲那知不醉但淋漓  
爾花既醉應似我耿耿一世幾傷悲  
綠珠樓下香猶在西子舟中意尚遲  
三尺晏嬰頻欲殺爾何天矯尋常為  
沅湘草木共憔悴幽蘭何足九畹滋

昔人妙語不爾發  
顧我安得有好辭  
晚來亦解意自足  
秀色可餐吾何飢

寄陳留江子我

丁酉

江家直在嚴家瀨  
亦有商聲歌半夜  
不煩死魚遠吐墨  
誰識天馬早流赭  
嗟予久已烏角巾  
愧爾當年白蓮社  
唯在瀟山見老禪  
枉嘆門人才下下

庚子初伏前一夕大雨

雨來夜早晚夢斷  
驚所向鼓鼙聲後  
先龍蛇勢下上奈

此老屋何詩書果何當幸矣托皇州高枕得無恙瑞物  
日紛紜豈我獨飄蕩興言反山楹羸思輒以張疏泉到  
雲根松竹青益放胡不返柴車於焉事鬱怏平生知顧  
行短髮增惆悵明朝入初伏金火兩無恙

次韻和江子我卧病謝予相過之作

棄婦不言貧孤兒不知病美疹亦何有衰蓮披綠淨大  
易疾無妄要且觀情性我來自山中非征亦非聘但恨  
清風薄安識皇都盛況聞藥艾攻之子駭觀聽策羸七

里灣憂醉豈易醒今茲早嘗饌高人能自勝不廢五字  
吟久與金石稱我老言亦衰同鳴不相應

數蒙楊澤民秀才惠佳篇謝以長句

嘉陵江聲不到耳嘉州清音得之子豪英磅礴狎鷗鷺  
金錢棄擲等泥滓青樓不使白髮生萬恨都歸一杯裏  
三蘇死後三川愁君輩人才誰所喜

以李約交遊晚歲重為韻作五絕句別韓二十

紅塵歲月晚白社煙霞交相思得相見作底不逍遙  
終歲不出門一朝事遠遊長安初豈遠孤客難淹留  
茁茁露不遲蒹葭霜豈晚我生寧免愁別離無近遠  
敝廬無良辰荒田多荒歲貧賤重離別君乎休富貴  
少貴別離輕老賤別離重後日君亦老我髮已種種

京居秋歎

京居少蟋蟀失我田園秋何用外物感不勝中心愁少  
多王霸略老窘衣食謀神臯既絕分蠻徼亦願遊鵲飛

徒繞樹坎止信乘流顧惟爾青簡能令人白頭當年魏  
公子今日無遺丘出門何所從垂淚且復收

送周秀寔知新昌

尊公文律自壤竒雖持使節未相宜子敝青袍哦五字  
州家不喜縣家嗤十年主簿今遷陟縣衙簿尉來趨揖  
越絕山川舒嘯時莫歎鑑湖今幾尺鑑湖幾尺吾其那  
聞道新昌佛仍大昔賢墨妙誰識之一日清風千嶂破  
人間月色過中秋天際風光稱遠遊陽關本是西州曲

鷺舞蘭橈不解愁

新昌西明寺碑  
宋宣獻公書

謝高四十子昂詩卷

我有瀟湘淚還供闔闔愁故人過我窻燈下謂言客子  
宜悲秋往體格律乍相視久矣揉練幾百過不然何以  
解能云是中不放客愁破文字能自達何處有富貴莫  
愛離騷亡國音學乎大雅則知未

送邵大兄知果州

先生之子徵聘日自當黌舍稱先生即今白頭青眼絕

空持短策長安城漢宮雨露一朝到劍閣山川五馬行  
既成詩書鄒魯俗難忘家世伊洛情穰橙鄧橘饒渠勝  
魏紫姚黃如我盟約束南充謝家女飛空倦矣復齊氓  
鴈遠難羣聲不斷

闕

顧我寧無意遠遊

羸病不得俱徂征長亭無酒酌君別獨將此恨西南傾  
送顧彌邵朝奉知錢塘

錢塘宰是會稽客一身見盡元與白元白風流且置之  
是家尊翁勇金石阜受申公國士知誰任東坡邦人責



之子敢嗟官不達，惟慙家世無踵迹。大才小試亦丹青，  
衆前獨却自朝夕。童稚欣欣新有謠，湖山藹藹舊相識。  
定知不用酒遣閒，流行舉要百代厯。  
溫公有資治通鑑舉要厯未出，彌邵

欲刊於錢塘

謝程致道監丞以秋夜直舍二詩相視并簡蘇  
在廷少監

秋風雖云高，不到建章宮。巨麗發妙思，翰墨爭豪雄。移  
子范舟興，入此潘廬中。詩成到誰手，鬢面絲髮翁。豈不

憐此老氣蕭志亦窮聊以壯觀之行潦落長虹低頭謾  
漠北攘臂徒遼東自娛蓬蒿興敢傍珪壁叢清時難但  
已有感如霜鍾慎莫藐蘓子是更得家風

謝邵三十五郎博詩卷

我嘗為歷學上元要極遠上元有遠邇疎密出早晚顧  
惟爾大父皇極探其本唐堯上百代日月來滾滾因之  
知百世孰可妄憎噉子前視我詩與子論詩壺子詩既  
煥爛我言得安穩為子極源流無難如建瓴風雅闢大

田騷些助鋤墾曹劉鮑謝輩風雨得蓀蓁閒居既識陶  
詠懷宜知阮不有鮑與謝白也胡婉婉苟無阮與陶蘇  
州曷息偃上下曹劉來少陵自益損豈易少陵學浪走  
徒多踈沉復爾來人不竈而市飯大兒誇蘇豪小兒爭  
黃蹇詎知韓柳先學大忘赫烜餘事五七言朝鸞參暮  
鷗又如萬仞姿松巖絕蘭畹念彼形似徒澁舌吞枯苗  
何人分詩文兩隊有魴鱖子早知此病我語出復返何  
以謝子勤王道不可緩凜凜易春秋南面儼龍袞禮書

朝萬邦寶輅粲朱幃顏曾侍珪璋荀孟陳干盾老漫憐  
騏駼壯當勇虎圈明朝後高興蜀道橫碧巘我寔愛子  
才語長情繾綣

庚子冬至祭鼎閣差充太祝致齋於內西廊待  
漏院以近法物庫有火禁甚嚴不勝晝夜寒

苦輒成長言

至日為客昔人歎況乃客次在齋宮齋宮所寓有火禁  
冰食霜寢多淒風豐屋高懸日不到未信一陽生是中

嘗聞鼎以大祭祀未聞祭鼎陳笙鏞茲焉祭鼎戒羣吏  
古也拜竈勞皇躬森森鼎閣祚厥西矗矗明堂配自東  
天子萬歲調元象歲歲年年為祝工

閭名圖  
象徽調

### 高藤州六觀堂

曾子三省予未能夫君六觀何自入天台教我三觀妙  
君又三之彌有得露下聚散俱已空電出有無仍不實  
一世假夢暫踟躕萬緣托幻聊戲劇澄淵泡起不離中  
端形影見無差忒茲惟一心之所發邈乎此心近不識

更須止之良為山隨其觀處離非日與君相遇紫陌邊  
不謂我言無不急君方度嶺駕朱輅我言之外何所識

詠老

腳踏浮雲身已老訪道修行恨不早曾見商周全盛時  
不及唐虞古風好

同表甥趙康游种范李園

百態范氏石千尋种氏木灌以邠州水禽鳥識故國使  
我從今去魂夢游不足

蓬萊仙

我是蓬萊山上客  
整到人間管春色  
謝家池館縱吟魂  
卓氏酒爐迷醉魄  
人間春色將奈何  
綴綴艷艷濃如波  
歸來說與秦王女  
麻姑偷去唱為歌

十二弟寄所和邵子文病中感懷之作復次韻

寄子文

先生窮著書寧比近術  
赦天故使之貧赤手唯書籍  
或者窺殘篇律呂起韶夏  
微意有子傳光燭不隣借  
大臣

薦曰才留守勸征駕講席出正塗肯以眇跛訝生平畝  
畝心願被草木化卧龍終佐漢捫虱聊倚華二君獨何  
居耿耿心中夜不悟伊呂間安容管葛亞璞玉詎連城  
祇堪雙刖價何事抑撇鬼疾病尋豐鐫井臼每苦煩藥  
食則不暇不藥得中醫默符覆器闕哦詩便無恙乞酒  
宴茅舍彌荷天地恩性命永其宅飢鷹待肉食死矣一  
飽乍顧我與君侯更愧東山謝

迎赦一首



燈頭異花垂永夜占云明日當有赦咄哉無煩汝報我  
三年郊恩遍天下知人所知豈神聖偷歡送喜真便佞  
義卦箕疇汝詎知冰凍火炎予不問矐矐日出迎赦來  
沸渭頌聲何休哉陛下萬歲御九垓王母獻壽滄海杯  
更看正仗單于陪

申謝經略安撫待制送酒之什

真茶竊所貪薄酒亦云嗜況此兩乘壺旨哉出廳事歌  
美秦州半樽罍更幾倍

秦州半  
古曲名

元戎眷非一於焉則有

二癘老欲扶持牢愁使破碎風雪客歲單無隕故園淚  
我實不能飲自有愁常醉顧彼昔之人何必陶阮類推  
堆劇孟使文武衛公貴

李文饒

宜飲不飲者我言尚何費

顧分玉帳春遠以金壺致舊都新奏功如花方高會

唐人

詩云漁陽宴舊都美人花不如今鄙意謂公  
不獻貴勝而及衰賤耳想同韓楊二公一笑

### 陰山女歌

劉原甫侍讀嘉祐中使遼聞陰山下有女子宮衣彈

琵琶傳意甚異作陰山女歌說之感而復作

陰山女宮衣初裁淚如雨自看顏色宜內裝琵琶豈復傳野  
譜赤車使者傳琵琶翩然雌鳳隨鳳去豈不憐此女兒心父母  
生身遠有祖平生父母九原恨得幸一朝收拾取使者  
高義重咨嗟衣裳盟會其敢許宮裝法曲陰山墳七十  
年來愁暮雲即今山川還我家泉下女兒聞不聞誰將  
一樽內庫酒招此芳魂亦何有崔盧舊族自豪英顧此  
女兒慙色否巍巍之功惟陛下萬歲百男固宗社赫赫  
雷電暫出車陶陶韶濩詠歸馬墨莊侍讀如尚在應有

好辭獻壽等

月下作

今夜隴頭月往歲沃洲山  
短髮添盡白遐觀彌多閒  
遙憐大定僧注彩衲畦間  
塵冠何可久曳杖吾當還  
胡不忘言休自箴茲厚顏

恨契詩

坎壈愚無計慟哭老無淚  
居處近何適隱遁遠何暨  
爰來未嘗恨始恨金石契  
何朝鎔而泥亦暮泐以滓  
有美

者伊人平昔嘗自謂此身敢自輕實與劉向類孰如同  
姓憂斧戾況忠對與我遊蘇門何人忍棄背顧彼蒼蠅  
姿須臾來附驥附驥只須臾沒身有臭嗜國中起四顧  
誰門復擅勢前日既居貨今日宜入市市吏誠何知多  
賤而少貴懦劣既先奔強梁亦晚至俄然欣解榻倏爾  
勇投袂烈烈參貔貅堂堂得英衛雲朔土即復金印肘  
當繫如或騎豬歸鐵甲遮羞愧功成麒麟閣丹青更何  
視莫能為爾言擊指血迸潰況我本小人西京仍已亟

所得果幾何作詩深自勵

記夢

山上多曲木澗底有勁草乃知窮達性多隨勢所到此  
語自夢中景物殊浩浩頗逢平生人歎息年非少獨不  
偶貴勝昔見非吾好語類紫芝歌敢不勉蹈道孰能懽  
悴予著之視同袍

謀歸寄陽翟李九呂十四兄

著身到雍隙故人在陽翟白髮何冉冉清夢徒歷歷有

美李將軍詩是萬人敵家封異姓王身老二千石呂侯  
幾世來蟬冕必踵跡如何此孫賢早飢而晏食門前潁  
水流屋上嵩山色天以延貳老世人何用識祇應爾日  
來為我長歎息我嘗從之遊何難此投幘籬下菊黃時  
鴈背俯可即嶽寺講時鐘婆娑且連屐

聞圓機累日病酒戲作存問之

善人有怒而無嗔美酒何曾病著人夫君自是愁鬼著  
美酒一勺百氣振夫君何以致愁鬼十年一官冷於水

況今復似未第時  
酩酊長編痛料理  
君言不覺身無聊  
西家醪勝東家醪  
是有米亦可飽  
枉費東坡歌小槽

圓機正看劉道  
原長編疑事

屈原石板上見圓機題詩因和之

門掩自閒閒  
樽空寧薄薄  
妙語知杜美  
剛腸識雷惡  
饒花人豈貧  
多竹地不薄  
最道長官難  
只愁里胥惡

次韻邵子文書夢

先生有道無寸田  
長歌擊壤醉伊川  
今式玄冢高嵩巒



嗣子詩禮老益端少從父友學其難一詩百讀口角涎  
父友寸步簡策邊聲名九州四海寬時有狂瀾滙怒湍  
百姓安肯著一妍獨樂園中往復還蝴蝶沼上青草煙  
書成硯穴氣桓桓蒼生屬望十九年聖時未肯誤儒冠  
倏見佩玉朝珊珊汴洛迎送路接連急急政如渴赴泉  
跛者釋杖瘠肥羶兵偃不用盧矢懸貨利去若風中幡扶  
藟一發天下言白髮舊德殿中間經行求士趨傳餐先  
生之子難鬱盤綠衣春色行度關羣賢並進讓後先山

摧棟折何茫然人間此夢白日前況乃枕簟夜穩眠仙  
山塵絕遠翳煎雲樓煙閣白鶴閒若嘖若笑玉女顏我  
欲並之無因緣傍意若謂堪憫憐是間有汝世之賢此  
公不死神常全王儁倜傥不及肩汝曹蟻輩徒攻堅欲  
子見之駭衆仙子色不平羞青山我為子往問彼天誰  
敢少弄天公權蘧蘧夢斷目鰥鰥但覺毛骨輕且便賦  
詩不怕衆險艱

月

真月夜夜滿  
妄見有盈虧  
譬如匣中鏡  
一成豈合離  
腥蟊與狡兔  
謬及丹桂枝  
我今盡掃蕩  
庶識真月為

送曹資深受代還京兼簡劉養正

頤

韓王孫子何楚楚  
不用根源論  
魏武讀書射獵固自如  
劇談大笑能爾汝  
為君相遇在東州  
與我中分萬斛愁  
我歸未得君歸去  
風流應復屬曹劉

和二十二弟不相遇之作

秋雲欲構雨  
惱此山河涼  
柴門試一出  
矯首歎林光  
孔

驚勢自遠鴻雁意亦長先後日雲間俗眼安得常

秋吟

友生吾所畏言貌凜秋威崔子稻畦晚楊公玉田飢階

除昨夜霜鐘鳴尚依稀吾友豈憔悴西山空崔巍

崔德符監

稻田務楊中立  
提舉明道宮

說之方憂韓公表大夫疾遽致仕乃蒙傳視送

陳州王樞密

裏

作詩十首意典辭麗忻喜輒

次韻和呈以公若登台輔臨危莫愛身為韻

布種無多寡收穫幾豐凶老農知歲異遠賈務日同孰  
是勉無德莫非矜有功君何謝事早兩世有四公

念公多疾病使我頻驚愕可恃膽氣大何憂腠理薄九  
丹詎凌空八石聊扶弱無煩問安否允允亦自若

潁川美鳳凰淮陽盛股肱皇恩既布獲清羸亦作興自  
知同涇渭孰覺異鸚鵡巍巍君子堂而我得先登

人間陳五鼎天上應三台顧我幽居人卒歲事田萊首  
種既已薄時而又復乖身事尚如此與世宜不諧

袞冕有人妖鐘鼓成國蠹可憐淩霜幹不作濟川具三  
易朝吾車六詩暮吾輔豈亦不自娛菊徑而蘭畝

未官從遠投沈疴得此心願言麴神降何用官鬼臨幽  
興落醴浦清夢繞崧岑使我既慙昔奈何復愧今

迷行常坎壈守道自熙怡伐蛟不恃力刺虎寧用機華  
屋非所尚茅楹豈不宜未覺覆盂安詎知累卵危

渡江慎且無登樓戒亦莫有如鶴乘軒便類燕巢幙此  
君如寶玉百火不一爍又復如衢樽醉不謝所酌

君少我十歲憐我空老  
大期君到雲霄遺我餘  
警效忽先辭漢祿孰從  
仰周代顧惟神所勞何  
論心乎愛能老彼形骸  
孰疲此精神繫其抱病  
客只是苦吟身少出便  
十首高興感五辰嗟予  
強屬和汲思如井輪

南門

今上元年九月初正南  
門鑠澀關樞城上日出  
三丈餘城下戢戢人嗟  
吁最憐縱橫荷菜夫欲  
殺青蒿成蒿菸驢駝去  
啣膝聚不驅羣雞孤鵝  
鳴相呼邈然不數半與

豬客子四散別門趨逐臣過焉問何如知者不告色不  
舒或言上皇帝有符北門不開留翠輿金人忽屯城北  
隅方今明日達聰俱司門郎官上奏無未幾金人來  
坦塗城南鐵騎儕去奔車焚蕩輔郡陵別都衣冠南下  
滿江湖白頭辭臣思獻書洪範災異信豈誣

送蘇季升出守明州

四明白髮船司空喘息使君如不容自爾怕道四明守  
問今何人休嚇儂丹陽丞相蘇公子氣和體正如家公



坐令山水生清思燕南朔北揮毫中江瑤海扇不入筋  
肯以腥醎水驛供百家之產歸一器詔下掃除勤耕農  
皇威海外讐蛟唇麗人大船安得通元年新政見此守  
丞相蘇公真有後過家上冢問阿兄四海澄清眼明否  
送陝西運使陸郎中

二十年來關內客眼明太華高太白今日前驅使者旌  
雞舌香餘新日月春初敵騎逼王城公在城頭佐天策  
將茲膽略撫西戎蕭關遠爾無堅敵便使秦人不告飢

輶車與爾同休戚惟應拂拭舊題名幾人身在空相憶  
為我寄謝錢都統鬢間不許霜雪積

今年暑氣甚劇六月二十八日初伏之末風雨

甚橫既而便晴有感作

不記  
作處

庚暑既云初甲運將復決正當相火行如持溲土

關

炎

熾及雲霄煩燠況僕妾皇天不勝毒一日思自愜箕畢  
靡遑舍巢穴徒更驚兩脚壓嶙峋風威振巖磔滂沱驅  
鬼神庭除覓舟楫扶搖百年木斬馘一瞬捷豈容壺蟻

蠹諒搜芥龍厭我屋茅何支彼田禾已躡簡編恨枯槁  
縱橫恣渚浥泉酌便無情湯餅誰為饁亟欲撝絺絺從  
此正冠蹠矯首凌鶴翔奮身脫鳶跼寧知不疊疊俄覺復  
熒熒強陰難節制衰陽易威脅蘊隆增幾倍怫鬱起重  
疊蝗陣蹙併張穀根自安貼蜩狂噪百尺鳩慚勞兩頰  
我亦悶賦詩欲語而膽怯

柳集亡食蝦蟇詩因有作

不記  
作處

我讀柳侯詩不見蝦蟇篇所亡諒非一撫卷為慨然不

應流落人吟咏亦不傳問爾胷中奇何以能棄捐湯湯  
柳之水漁無魴與鱸背脊得蝦蟇樽俎薦春鮮莫言形  
貌惡素蛾與嬋娟柳侯比秦豹賴以韓詩傳如聞大呂  
方乃無黃鐘圓問之州鳩氏政令恐不宣我嘗求元唱  
其深在九淵侯詩蝦蟇美人人垂饒涎蝦蟇竊自懼子  
孫將不延奈此文字何偷攘付蜿蜒蜿蜒與蝦蟇腥介  
每相憐遂令連壁孤不知今幾年念我少年日未識侯  
詩妍晚見海上老口誦盡殘編因之得揚權今古共周

旋此老可補亡已矣淚潺湲

舟子語

晁子被放逐四方何所止隨衆到淮口脫身亂兵裏長  
淮歲暮風舟楫不得艤因之狂雨來青山白浪底風雨  
與波浪三者酷鬪靡北客怖未嘗波神得自喜舟子言  
勿怖此是衝去風爾前風衝後風縱神雜橫鬼吼怒夜  
潮落倏忽熱風起衝風如小人熱風若君子明日復衝  
風又非前之比舟子言可賀此風即當死盛大不死者

從何覩神理京貫黼攸輩萬貨他手委官知其然歟幾  
年干天紀神降與人言化酒幻桃李上真怒我國寔錫  
金人祉破我諸州鎮彼陣風從指我兵遂喜北不走即  
降矣風伯不祐我豈獨在茲水舟子語可書聊以視知  
已

十二月十六日立春

今年立春常年殊要乘生氣復舊都鐵騎一成再渡河  
青帝寧不行天誅相公廟略託諸天亞輔割地甘丘墟

天窮地蹙否極泰王城門開陽光舒天子當陽朝  
萬國土牛擊罷歌烏烏青青原野無橫斂四民安樂祖

宗初

旅次大風

臘尾春頭難作客借書數帙

一作且將書帙

共徘徊洛陽東風

遠尋我水波參折馮陵來可憐難問洛陽事念我邑墓  
有餘哀我師敗血降北軍望望都門何日開勤王之師  
未肯發怒颺激起無摧顏黃河浪高大岷山金人欲去

不得回吳檣楚柁日千里大府有粟寧待催朝廷號令  
必偃物我得歸到孝王臺

近遣郎官數輩  
催綱皆散去

曹仁熙畫水壁

夫子在川上悠然嘆所逝見逝不見水身與水不二天  
維及地軸去矣不可制日月徒勞勞出入丈尺地莫言  
此身微九圍待經濟或指波濤觀姑在蹄涔內後人不  
及門有口安足議劣得蒙莊周動與呂梁會肇公識前  
波不共後波繫龐公橋柱流奔湍是誰事熟誇觀濤者



八月吳儂戲瞪目不敢瞬睫軟蛟鼉噬多謝曹仁熙筆  
端落妙意欲採甌社珠於此觀粲翠

張平叔家絲糕

君家絲糕何處絲三月晴天蕩漾時繭頭越水

一作綠女

不得却煩素手與晨炊客子千頭萬緒苦方寸五紕誰  
得知

次韻謝人惠詩

東郊久不開春風宜斷絕梅信豈得芳何處香芬烈徒

令湖海士借論古人傑奈我貧病何蕭寺多積雪終天  
不出門圖史欣羅列欲上皇帝書廟堂誰稷卨遊魚清  
且一作自直飛鷺遠更潔顧彼四輪車禦侮難結轍一朝  
叩旅舍問我來何說再拜謝之子我正如子拙

謁嶽廟

吳楚江淮接海濤百龍有職驅龜鼈空中薨桷森然見  
天上雲霓不得高穆穆冕旒嚴帝制紛紛牲幣自神臯  
不知嶽帝從何帝要自天曹各有曹南極祝融炎劍戟

東方太皞却旌旄若容義仲篡義叔亦許帝舜囚帝堯  
牛斗吾鄉如失位奎婁魯野豈專朝人間職分已顛倒  
願正天紀尊堯堯

淮南王

淮南王解燒金胡為黃葉落故林神仙鼎氣覆千里草  
木姿媚鐘磬音誇誕之語恐難信儻然安得我登臨即今  
巨盜處處起天子不貪淮南地

贈陸遠大夫

顧陸筆墨森威儀身後猶為道子師欲觀道子觀顧陸  
陸孫定自有天資或言苦學龍眠者不頌世德誇義兒  
肯為俗人落吾筆玉虛支公實我知倘非從容接笑語  
安得生氣今如茲湖光萬丈明珠滿對此佳客申愁眉  
又題陸大夫畫逸少遠遊道林

會稽內史勤筆墨遠遊中坐無一物何事支公愛神駿  
團揭鼻齒映頂足拄杖圓笠如意負蓬髮著巾俱肅肅  
相向忘言在何許望斷高山空翠麓

再題王許支圖

海嶽登臨許遠遊上乘雲氣下扁舟可憐畢竟不聞道  
妙翰神騅却得留右軍憤世猶懷古何事一朝得支許  
馬足不動羣奴癡感深絕俗俱無語

積善堂

我家得姓自衛始文王之昭鍾厥美西京御史府大夫  
父慈子忠不惜死至今墓上無曲棘潁川歲時虔廟祀  
中原喪亂厭風塵南渡不及渡遼水晚惟道武攬英雄

遼東之晁同興起世封潁川刺濟州子孫嬋媛冠劍偉

唐有賢良如漢初名動集賢為學士是時海內圖書家

一晁未議張與李

三相張平泉李

忠實文華入本朝三祖百孫

同一體中祖潁川襲遠封東祖西祖復於濟自從決策

罷兵來

文莊公會韓范等五帥罷西師遂參大政

平進不厭百寮底即今門

戶益衰微攬古懷今情曷已上恩埭北播無垠宿莽心

存春藿靡漳州有母行百齡疏封鈿服明光裏夫人眼

力尚針縷拜恩不易從稚齒初惟夫人有子賢曰此布

獲敢不俾何勞夢帝血面論直以微誠動旒宸華堂白  
髮喜更新即看青袍子高第壽筭千場日未央膝下曾  
玄扶且倚中眷有孫不能鳴東眷孫文刊熒燁

送懶散先生東歸

先生身幹若浮查古響霜鐘激水車平生樂逐胡

鴻一作

鴈起倏遊吳會忽京華公卿到門問窮達未易可置吾  
齒牙今我何事亦青衫掉頭棄擲如泥沙數術因之為  
道術淨居與世不交加一醉十日醒五日雙環粧罷覓

新花沙塵滿眼獨不怕此非淨居之勝耶

題兩馬圖

前馬去駸駸年少意有餘後馬追馳驟喘殺肥髯奴

二十二弟自常州寄惠剪刀及筆來因作長句

弟書毗陵來有同股分刃之刀綠管白毫之筆刀是寶公  
錫上之所懸筆亦江淹夢中之所得江南刀筆有如此  
不比蕭曹吏豐沛而興鋒鏑顧惟二物大有恨不蒙獨  
孤府君一言之飾使君惠山延陸羽文章不落翰墨迹



及今有用正勞勞破賊露布征兵檄小楷帖黃奏北關念  
弟未歸空歎息

錢德載以臨江朱玠筆見贈以詩謝之德載與  
李先之亦相善

清江長官寄書來朱玠妙筆空悠哉恐是怕上萬言書

惡嫌並命憎不才

說之與先之  
同除著作

寔紀二十韻

雙廟之前扁舟艤太原失守邊塵起鐵馬渡河京城閉

堤上奔亡如磨螳不是清河早伏兵千艘萬舳去何已

百家相逢不相識同聲嘆言有如此閹貫梟顛一日間

地下未應有餒鬼董卓燈檠照催汜祿山腸流盛安史

此二句謂貫雖梟而用范訥輩京不及刑家自全黼弗顯誅恩尚委楊

炎終報元載雖微之實同宗閹恥此二句謂京黼輩黨與猶衆政刑

既棄敵兵盛我國不尊招訕毀尊名重器假狗彘公卿

何人是知理嗟予老病豈樂生寔抱忠謀難須死亦嘗

奏對明光殿寒飢徒步荆棘裏面風背日若有待前有

戎車後妻子戎車不斷頓都城元戎一言左右以遙有  
人家投宿無骨肉夜飯無鈍齒不嗟五日不頽面但憐  
一夜燈花喜庶幾明發脫盜手復見皇威振遐邇廟堂  
再見謝太傅奕棋未罷風塵弭前夜客投佛寺晚全家  
凍泣木魚底我今朝夕幸已多聞見紛紛聊寔紀

靈壁石有未上供者狼藉兩岸

鳳凰山石與石殊勅使督貢傾舳艫擎空不數碧齒齒  
媚日寧顧赤珊瑚但識天圓簫韶底豈期汴岸沙爍餘

金史紀事本末 卷五  
煬帝錦帆幾來往曾不得汝恨何如

枕上聞蛩忽久不鳴

促織復促織爾實誨我力語我以詩書覺我以道德胡  
然久不鳴似知不如默默而如見容實惟已失則不見  
容而疑豈不云大惑智哉神於著夢有不待卜秋風  
日已高太白光如植予豈默默時殺身徇吾國

連日與性之王君談遽來告別因作

許州秀才周若蒙星官占罷淚無從歐陽公死不過夏

天上文星已告凶常秩王回暨姚闢排斥先儒不少容

回第曰向竊笑之問學文章衆所同識此二事王氏孫

酸棗先生稱祖翁先生易學老無敵晚奏象繫明光中

清淨之化浹百年寡欲愛民自祖宗

先生為我大祖  
講易至於九五

之說上喜甚既而言治國莫若  
愛民養身無如寡欲上嘉納之

潛仁蓄德流必遠譬如

喬嶽壽無窮君之積學萬石簏筆力仍關千石鐘遑遑欲談誰

聽此

一作汝

秋江好渡多柔風

舟中倦甚

櫓聲出入如謳發晝長夜短睡地絕紅窻跼蹐天地隘  
出向船頭望寒月月寒不照孤征人自與紅鑪得意親  
何日有田吾意得躬耕壠首待陽春

曉霽

沈疴春夜客風雨送愁來曉雲收風雨一瞬靜九垓東  
皇太一人盜賊何有哉上使四門關豈但桃李開下使  
小人退即日大輅回昭昭負帝德汲汲挾天才白頭見  
太平酒醒豁所懷

說之有庭珪真墨一為儀真賊所焚伏蒙二十  
二叔特以真墨見惠因喜出意表輒賦詩申

謝

黃瓜忌三摘吾臂醫九折有如老商胡何言問折閱兒  
藏廷珪墨賊火出烈烈是時干戈起髑髏積不血寧復  
有此物硯北伴白髮叔父曰賜汝可憂百如結矧此微  
物者戲劇論巧拙拜吾叔父賜理亂聞一轍再拜叔父  
賢世珍視不屑百拜叔父意兒學安得輟

謝蘊文水仙花

飄零塵俗客再見水仙花清芬二十載饒殺杜蘭家

王性之自揚州遷路相訪於海陵荷其意厚非

平日比贈詩以別

九死性命存乃到海陵倉海陵何所有麋鹿畫成行多  
倉多麋鹿今也恨難忘爰從本朝來人物上國光容我  
迹其間性之因翱翔性之篤忠信又復能文章一世所  
趨附在眼獨不忙困於州縣吏斂翼弗許張蹉跎誰識



之心膽空堂堂我不自揆者薦之三府傍相公意似順  
衆口極雌黃我斥不得容爲子增慨慷子行羣賊中妻  
孥道路長掛帆揚州灣聞我病在床忽尋枉渚來或謂  
子不剛活我以簡策飽我非稻粱告别閩嶺去波浪春  
風狂既欲殺風母又欲射天狼四海俱已震何處一身  
藏揮淚與之子關雎哀不傷祿山傾社稷朱泚侮君王  
於今無此孽但可正皇綱文章出號令忠信被農桑之  
子抱此器用之斯民康吳儂宜勉強無煩憶粟漿

陳情

春風到來久今日令得行蛙聲曲池滿柳色深巷明負  
病老客子徜徉難為情豈不懷故隱盜賊間徂征近得  
望行在氛祲夜崢嶸諒待賢者出一偃天下兵四夷堡  
障靜三農田野耕雞豚飽故老廉恥責後生我雖素餐  
者自謂能頌聲此情誰與同有公仍有卿

次韻和馬子虛學士感事見贈

與君中山時心樂得樂土未始厭耳聞寧或刺眼覩風

雨喜分散樂事亡難補看君青雲編翅垂不得舉榮滯  
正相半田園餘幾許前年白馬亂不保使君詛去此一作  
從竟陵謫竟陵人何慕妻兒思北歸耕桑失寒暑邂逅  
怪我存魂招來奚數強欲布露之愧君健能賦

流寓海陵半年忽得周元仲分寧書欣慰與常  
日不同輒有作代書

海陵士子江東客我到海陵無主人蒼波知君到何處  
直待書來消息真與君相去歲月久世事茫茫誰出手

桑田欲變仙人去鶴駕雲軒安得取愁腸出淚付滄波  
江上秋風奈我何何處雲山君待我更煩先寄綵雲歌

秋感

鄰雞鳴已過吾雞一何懶要穩土人眠高視清秋晏惜  
哉清秋時留客久異縣莫謂茲荒陬於今誇畿甸黃屋  
在揚州江山被恩幸肥羜飜吳羹宮粧驚楚練雖云冀  
馬陣敢敵水龍鑑有事郊三年神降樂六變萬國走玉  
帛兩京鎖宮殿明發迎歸路茲夕淚如霰孤旅愁思絕

一身幾憂患

秋適

今日秋光遠  
吾意亦以閒  
置此清羸身  
葭菼薏苡間  
一別嵩陽縣  
二紀不得還  
幾處逢新秋  
幽夢著舊山  
木落淮南舊  
水流日柴關

閒極

閒極忘羈旅  
秋色為我深  
牛卧樹外影  
雞鳴堂中心  
自言身已隱  
一作逸人道尚官箴  
明趨傍海郡  
適我梁甫吟

謝季左司筆墨

韓揚州蕭劍州相忘終日夢悠悠何如徵季掾三府國  
譽鄉評坐以收不忘筆墨高人興為道明珠無昧投

且遽告行求題其父所作夢記之後

前身嵩陽老道士今日京東蔡秀才杜門藏書萬餘卷  
不知何身得之哉

雪中懷水雲館

六出花頭萬疊波水雲館前不肯過玉鸞素面如相語

人間清興今如何

無客

嗟予少好客今老客棄予忽忽飄流來不知歲又除良

愧彼黃鵠千里無修塗江東賊強臣

王敦輩

淮南盜名都

楊行密輩鍾阜被朔雪整與我何娛明當雲夢去已發又何

如

將為枝江之行

北斗垂几尺東京路幾千大江復幾深臘尾難放船豈

無彫胡飯疾病相後先波濤日夜起高枕相與眠春風  
明日來為我添華顛沅湘盛春風蘭茝為人妍沅湘無故  
人耕釣異雲煙沅湘有故人避地與我前彼美媚學子  
共講中庸篇

呈華藏密印

華藏有主人百界轉纖埃主人順喚客低頭不敢來

景迂生集卷五



欽定四庫全書

集部

景迂生集卷六

詳校官庶吉士

臣初喬齡

侍讀臣孫球覆勘

總校官編修

臣

王燕緒

校對官中書

臣

王慶長

謄錄監生

臣楊

渤

欽定四庫全書

景迂生集卷六

宋 晁以道 撰

律詩

秋陰

漠漠秋陰好，遙空見故鄉。  
可堪高葉墮，無賴晚花香。  
枕靜泉聲細，簾疎風影長。  
肯教容易雨，吟興動何郎。

和斯立夜校試卷呈同舍十二韻

校藝來從魯間韶昔在齊幸容葭倚樹驩會食甘藜禮  
數延文士雄豪動武奎嚴凝池上雪燦爛谷中霓喜見  
雙頭錦爭求獨角犀化金思點竈畫酒願分篋氣壯如  
觀海言危擬去梯且思竭馬力焉敢效牛蹊蕭統聞香  
臭劉郎善品題鈐黃方晏集風雨惜分攜永遣愁城破  
休教眉宇低故鄉吾自樂歸去逐羣鷄

再和資道

佳山陪四絕名士出三齊芬馥生蘭茝荒蕪去葦藜光

華深北斗氣象到西奎靜思如含露揮毫若吐霓美求  
鮮鯉繪珍訪辟塵犀出衆青錢士翻經白玉篋高張射  
鵬手穩步上天梯吾友由斯道狂生不識蹊淮南書有  
作謂斯工商隱賦無題謂資道慷慨簪頻擊吟哦手屢攜寒  
廳簾帶淺深夜笑言低慎莫嘲雕虎從來學木雞

再和

何事謝玄暉臨壘且悵齊想非逢錦繡應祇見蒿藜今  
日三千牘昭天十六奎煌煌鳴佩璐燦燦動旌霓服衆

稱擒虎超羣許拔犀品輕龍尾硯時樣鳳頭篋棄若文  
公席危如墨子梯只宜馳大路爭可訪幽蹊我亦慙強  
韻君能出巨題笑言容委曲良宴幸招攜黃菊開應滿  
清霜壓莫低誰人傾魯酒更復噉韓雞

和斯立重賦

是非真未定楚客莫咻齊侈美珍魚鼈麕疏鄙飯藜評  
文歸藻鑒得寶應參奎蕭洒裒塵雨清明避日霓露華  
鳴老鶴月魄射靈犀儒雅元簪筆風流且帶篋辛勤無

黑突騰躍有丹梯自顧迷轅駕焉能識路蹊從容金谷  
集酌唱漢江題好是頻徵策相看便解攜塵埃隨日起  
窮悴使人低桀犬驚堯犬家鷄笑野鷄

和資道登岱頂回

藹藹天孫作曉嵐為嫌俗骨遣教還仙兒墮處真堪惜  
只在含眸一笑間

近作小池頗有野意日晚臨流吟柳渾獨不見  
慨然有作

無波枉渚若堪凭白露青蘋更可陵過盡秋風獨不見  
此時腸斷柳吳興

十月初七日入郡塗中作

棄臣悠悠朱墨筆凋年忽忽道塗衣博崔趙李久寂寞  
乙馬甲班誰是非

覽冀亭榴花

長夏清江倚碧岑人間塵土莫相侵榴花不得春工力  
顏色何如桃杏深

寄侍講呂原明七丈

悠悠客子京華遠，只把清秋淚濯纓。  
黃葉風前身亦老，白雲影外世還輕。  
書來舊德知無恙，夢斷疎鐘恨有情。  
昔日諸生今不在，丈人因為話平生。

說之昔教符離諸生丈人曾寄寓彼

讀韓退之詩有作

萬樹殘英委泥滓，柳花成絮獨高飛。  
自憐纖質無人賞，宛轉還從洛浦歸。

贈吳僧



驅馳疲朔馬邂逅見吳僧便覺秋容淨彌憐客恨澄青  
山尋舊賞白社語新燈他日扁舟去儂家一笑能

狂風

十日狂風不偶然未教桃李鬪婣娟西將士曾如此  
直入齊宮斬小憐

次韻答澗上丈人見寄

丈人一別今何濶菊雨蘭風自歲年茅屋歸來思叙舊  
繩床老去不談禪世無孔子徒為爾今媿孫登重惘然

幸有陽城山水在更留佳處待黃緣

和陳叔易見寄

終日焚香卻袪暑只此於君媿典刑  
莫怪慙慙問元朗此心要自渴滄溟

次韻澗上丈人見寄

有懷南澗老月冷夢魂賒煙閉金丹竈雲迷玉斧家  
高雲嗟縹緲醉墨喜傾斜明日秋風起愁看菊蘂花

再和班字三首

丈人在何許箕外潁中間明映波心月清餘雨面山短  
衣非舊寧陋巷是今顏不解湟州去平超十八班

梁武帝分

百官十

八班

公來前有約更望少微間爛醉新醅酒能忘舊隱山瓊

璫雖並質塵土會凋顏永夜陶陶語令人愧尹班

尹敏班彪

廣絕交論云尹

班陶陶於永夜

高躅人難解當求古哲間韓康多在市陶令懶游山念

我可憎面無兄孰解顏公乎來早晚荆坐要須班

次韻久雨甲子日喜晴之作

愁霖開霽忽今朝  
摩撫為魚鱗  
甲消竈下黽蛙歸枉渚  
簷邊雲霧起叢霄  
已驚病眼能明朗  
更喜新詩慰寂寥  
莫把陰晴論甲子  
請從根本問黎苗

聞叔易隱居被召二首

七

處士何人為作牙  
盡攜猿鶴到京華  
故山巖壑應惆悵  
六六峯前只一家

雨霽聞溪流作

山前霖雨霽流水與何長曲澗通蘭若餘音到草堂龍  
鱗應已備魚尾得令狂奏凱入關陣尋仙泛海航月添  
波蕩漾風共影瀰茫不作羈臣淚明朝酒復常

峻極上院

山下青青春已歸百花山上正芳菲人間顏色易零落  
百萬千年雲錦衣

節孝處士徐先生

積字  
仲車

莫怪先生身上貧眼看外物似浮雲房中除却琴棋伴

更有門前鶴一羣

政和元年正月一日

元年元日日甲子從自漢歷來有三總把皇恩調玉燭

今朝獨更覺春酣

東漢元魏皆是正月一日甲子與今凡三

癸未歲余與開封解安行同知定州外縣赴二

帥上元之集今辛卯明州燈夕公會上見邸

報解以大夫知嘉州感舊作寄

伊昔中山勝事賒初當三五便開花君能選色沉醉倒

欽定四庫全書

景迂生集  
卷六

七

我自傷心深感嗟聚散十年逢節序窮通百態各天涯  
使君綺席誰同樂莫遣燈花照鬢華

予與解  
同歲

### 早春

日日江頭騁望頻東風去歲舊相親庾郎欲作披香賦  
未有花開未是春

### 聞四明人不喜鞦韆因作

思歸未得恨深年時節清明最可憐越女腰支勝趙女  
平生不敢賽鞦韆

愁

雲暗花寒春在否  
煙波漠漠不禁愁  
此愁肯逐楊花散  
常與幽人種白頭

無奈愁來欲解攜  
春光何事亦如迷  
只應自有人行樂  
枉是多情王會稽

寒食書事

冷官不易逢寒食  
海角風霜剩作寒  
杏粥榆羹渾不見  
蓬池春色夢中看



戲作

終日一杯終日醉  
看潮初見看潮回  
自疑前世陶貞白  
乘興閒遊鄮縣來

昏昏

昏昏非所志  
忽忽是何時  
客恨潮聲起  
春愁柳色知  
何煩連日雨  
要劇故鄉思  
自顧囊中術  
黃金未可為

有感

日日蒼黃出畏塗  
自憐何事得虛除  
天教豺虎露齒爪

好是哥奴不讀書

西渡

西渡幾回送客春風今日思家我亦歸期可數休言此  
是天涯

予今春多入城戲作春裏來絕句春裏來是蛺  
蝶名滕王所畫者

蝴蝶催花一夜開却愁春盡重徘徊我身亦使滕王恨  
日日隨渠春裏來

依韻和蔡天啟任四明絕句三首時暫來四明  
便還丹陽頗不樂此後篇為四明解嘲

行盡三江失所誇便教信美豈吾家却回揚子江頭去  
看種瓜洲子母瓜

真隱閒從鄮縣來三山仙藥眼中開此身自有華陽洞  
肯學東陽歎老槐

未識涼風寶殿西寧驚海角有遺黎玉京無日嘗瑤柱

金馬何人賞木犀

二物明  
州之珍

見諸公唱和暮春詩軸次韻作九首

唱首是鄧  
掾子平

何處留春意歌殘燭半紅  
柳斜雙舞破花落獨書空  
欲作經年別先驚昨夜風  
烏衣多勝概此際恨難窮

那識春將暮山頭躑躅紅  
潮生芳草遠鳥滅夕陽空  
烏賊家家飯槽船面面風  
三吳窮海地客恨極難窮

歎惜芳菲盡香腮越女紅  
簾垂啼鳥散鏡掩舞鸞空  
梅短嬌含雨尊絲懶倚風  
高歌君輩在老子奈途窮

留春留不得怯去舞衣紅  
那昔河陽暮唯驚洛浦空  
丹

成人奔月金就鶴乘風此恨何能已盧郎百計窮

五字留春句如開蜀錦紅幽香知不滅宿恨望來空婉  
婉能揮日綢繆擬割風江淹方思苦慎莫道才窮

春殘留幾日越女笑蠶紅江盡愁何盡牀空夢不空驚  
多知近海蝶少為饒風底事吟詩健吟詩正待窮

芳草搖輕碧薔薇著小紅肯嫌桃葉薄

王家事

只恨柳枝

空夢斷三千里愁生五兩風四時顧家好作底却言窮  
上苑羣芳外娑羅二月紅妖饒秦女妬淡蕩越江空敢

夢鷓鴣侶徒披草木風傳家細帙在百巧愧千窮  
令公頭皓白執拂妓殷紅綺席千觴醉芳塵一夕空顛  
狂援北斗飄蕩怨東風得意傷春甚癯儒况路窮

秋日有感因誦王元之送文元公詩云追思元  
白在江東不似晁丞今獨步之句戲作

三吳山水喜秋風白蟹青蝦甬水東獨步晁丞孫子到  
誰憐憔悴衆人中

引伴宣事惠詩六首過有褒稱且及其叔子文

之舊輒次韻為詩

白髮蕭條到海濱  
秋風邂逅故園人  
三千紅錦工為帳  
百萬黃金肯買隣  
漢節陸離驚遠俗  
商歌窈窕會相親  
男兒躍馬橫戈志  
收入詩壇更絕塵

一世淒涼朋友恨  
九原涕淚歲時深  
逢君苦自傳家法  
顧我寧堪話此心  
却喜雞鳴藏麗句  
遙看鳳閣散層陰  
幾多故舊問衰悴  
說似羸師不足擒

九日戲作

無高可登無節序無菊與泛無酒罇歸計幾時凌海岳  
傷心成醉迷乾坤冥冥烟雨翻愁思急急風霜若苦言  
安得北人來見我會須暮出水東門

偶見司馬公休陳無已書簡感舊作絕句

卓行高文司馬陳當年簡牘拂埃塵身名暫振久青冢  
見在淒涼海畔身

書事呈中令長老

憶昔中華年少壯相逢海角意何如驚人老境便如此



還解同嘗橄欖無

師云去歲大寒花木多凍死結實最遲自此三十年後始恐有之因效張

司業

體作

枕上作

年華又已暮客恨更難裁  
寒鴈背潮去鐘聲隨雨來  
離騷今我讀時命昔人哀  
但喜歸期近寧論白髮催

有感

天邊鴻鴈會高飛  
白髮婆娑敢庶幾  
哭子淚乾心尚折  
還山計就事仍非  
交遊幾處聞捐袂  
巖阜何人自採薇

海角再逢殘歲雨，懶將梅葉洗征衣。

書懷二絕句

老境才來便輒留，龍門勝韻去悠悠。  
此懷京洛愁無限，更對滄江煙雨愁。

其二

古木江亭懶不開，書空自笑興悠哉。  
蒼苔一徑淺深遍，知道無人向此來。

疊後

病眼終朝更懶開  
難輸心曲語悠悠  
從教苔徑無人到  
日日潮聲自上來

年年至日常為客

年年至日常為客  
只此淒涼似古人  
忍傍寒江望京國  
難將旅鴈與心親  
天涯誰解觀雲物  
弟輩遙憐面玉宸  
自料明年猶俗駕  
南京不到到西秦

一作東秦

無那

無那客愁翻作樂  
尋常閉目暫時開  
沉沉月向波心出

渺渺人從天際來，莫道一山無積雪。  
誰家千樹落寒梅，洛陽故舊吾憐汝。  
愁絕終朝泥酒杯。

次韻和周大書事絕句

終日寒齋咏小招，故人軒檻俯谿橋。  
可憐不得宣城郡，白日消來恨未消。

無題

身世何如薦福碑，浮沉聊學弄潮兒。  
清風一日令心盡，黃卷三冬漫手披。  
夢寐無煩征錦段，笑談誰敢犯湯池。

周侯鳳德寧減少所謂春陽或減之

鄧掾知言再和暮春詩見視過形推獎有意論

詩報作三首

駘蕩殘春恨霞餘散綺紅遊絲能四塞落葉劇三空思  
苦欲留夜愁多却喜風忝軍真俊逸好是念文窮

其二

君侯哦苦淡雅不愛深紅冷眼看春盡愁腸欲海空近  
尋山谷體遠到建安風只恐妨高步令君似我窮

其三

江左多才士君詩醉玉紅幾篇愁客恨九畹任春空便  
欲傾家釀誰知出谷風劉揚名一代可惜義山窮

西崑體方

盛時梨園伶人作一窮士云是李商隱繼續甚云近日為人偷盡

答恂閣黎乞漿

白頭破褐恂閣黎硬白高談豈易知却喜粟漿如北客  
從教薄相笑無奇

謝錢掾

論思獻納方自代海舶鮪人豈識渠長嘯清風含謔語  
憐儂不解讀新書

江暮

何能浣客愁長夏暮江頭嵐遠疑無象潮平似不流  
須臾雲送雨蕩颺鳥隨舟明歲北歸去談話未應休

江上獨坐

少時曾識京華樂老得江山懷抱開風月不談辜此夕  
恨隨潮去與潮回

偶書

京華可望無高樓  
間道故人多白頭  
此身却似城東柳  
惜別傷離不自愁

秋

長年何事不悲秋  
今日天涯愁復愁  
故國老槐空寂寂  
半天歸鴈自悠悠  
故知庾信多清淚  
何事陶潛亦白頭  
前日家人帶楸葉  
求身強健更何求

西風



秋風幾日過秋闕直訪畸孤海上山為報故山都是舊  
可憐留滯不知還

因誦張司業無事焚香坐有時尋竹行之句擬  
其體作

寂寞江邊舍欹斜架上書焚香一童子尋竹衆雞雛更  
甚昔人懶寧論今世疎但慚為吏在不得跨鯨魚

自詠

稷籬蕉落貯秋陰睡足蕭然學越吟懶似嵇康初不鍛

閒於陶令更無琴兒童亦習南朝事風月應憐北客心

五世圖書幸相逐鬢毛未許雪霜侵

陸龜蒙憶嵩山詩云如今却習南朝

事自煮萸

黃學取魚

### 江亭晚望

秋色日駸駸江亭敞宿陰殘霞沉浦口新月出波心客恨此時薄歸懷晚歲深鄰僧數來往未肯愧南金

### 興盡

興盡未歸增寂寞却嗟初興到江城春愁不逐楊花散

秋恨還同桂影生，孤學敢期人晤語。  
危檣何事日崢嶸，兄弟遊宦俱還舍。  
朝馬驂驛禁漏明。

十弟通直三弟朝奉俱還昭德

偶作二作

病目書淫歇，江干絕往來。  
不才寧嫁樹，有意尚移山。  
玉府書名久，南山種豆閒。  
只應終夜氣，不共鬢毛斑。

又

聞道花都發，狂風故作讎。  
春心先自薄，客恨更難收。  
不免饑寒甚，永同埋壁休。  
何須問詹尹，雅意在丹丘。

有感

吏隱兩非空百感塗窮浪跡亦何哉波濤遠引月華去  
風雨常將月色來孤學有誰同慷慨獨愁無地重徘徊  
漫談景德祥符際幾許辭源賦八哀

戲呈通叟年兄索其近詩

歸期若可數何事此時情春色雨中盡客愁天際生離  
騷煩爾傳月旦莫余評早韭周妻厭因因不肯鳴

落花學義山

春來脉脉去輪囷滿地飛英委玉塵荀令香殘端有意  
石家錦碎更堪珍目成霄漢星前石腸斷驪駒掌上人  
我久飄零本憔悴為君今日恨綸巾

花開未幾忽已落盡戲作

天涯花信誤心期狼藉殘紅只往時怪底小憐渾不睡  
夜深惆悵夢周師

通叟年兄視以柳侯廟詩三首輒亦有作所謂  
增來章之美也

平昔柳侯廟拾君詩興餘帝閣誰掌制天步此貞符敢  
恨初沈佩惟慙再索車羅池聊自戲况復已榛蕪

其二

何處乘駒去空庭荔子垂韓詞方走奠柳廟久徂饑既  
恨謀身誤仍嗟報國隳羅池便如此不復問愚池

其三

當世容讒賊他年柰我何高文興舊學

子厚文集因晏公迺大備

詩

價重東坡

公之詩前無賞者自東坡始之

木樨開能幾子規啼漫多羅

池碑字滅猶解徹庭莎

子厚詩云遶爾澗底石徹我庭中莎

贈柳三解

莫道垂楊管別離與春離別自依依若教兼有征人恨  
只恐鴉兒不肯歸

其二

海角那知有宮柳故園春思尚依依可憐風韻去人遠  
一日花開天際飛

其三

桃李那知楊柳恨故時風雨不依依自從彭澤無人後  
青眼雖開心事非

悠悠

悠悠知作吏泯泯送年華勉強對殘客慙懃惜落花敦  
行慙不聖潮汐恨空賒却怕梁園去家人問海涯

題明王打毬圖

閭闔千門萬戶開三郎沈醉打毬回九齡已去韓休死  
無復明朝諫疏來



從教

從教病著探葵減未放愁攻白髮添欲看落花時入戶  
風高盡日不垂簾

何事

何事千憂自惘然且看節物異鄉邊鶯來昨日猶多吃  
柳到今朝第幾眠上巳清明徒頡頏

二日  
清明

流觴蹴鞠豈

周旋故知白髮因渠得忍更貪愁憶往年

還諸唱和雪詩次韻作二首

蕭散人間阮始平輕盈雲外董雙成飛英試比休爭麗  
連壁驩言與共明黃竹異時徒思苦幽蘭同調得心傾  
何須灞岸蹇驢夜更學幽人老婢聲

其二

胸中塊磊若為平今日相如雪賦成廣野喜逢三得白  
高山真遇四邊明瑤音顧我何能和玉色煩君幾見傾  
形穢由來慚獨目自憐猶識佩環聲

咋舌

昨舌何堪竊一鳴三年如夢寄江城  
春江細雨添清思  
漸近歸期更有情

暮江

南潮勝韻此間無醉本蘭亭強學書  
人物本朝還可恨

誰傳燕老暮江圖

疑燕公必  
嘗點此景

自和因思國史燕穆之傳稱其知明州化輕悍  
鬪爭之俗及今海潮圖作

燕公未肯祖虛無悍俗歸仁舉國書莫道邦人都背德

壁間猶有海潮圖

欲談

欲談無應莫吾容  
悔不居身可否中  
盡日小齋何所樂  
芭蕉宜雨竹宜風

王順之得子寄二絕次韻報之

賓客能談少傅兒  
海中仙果得生遲  
自今一落人間後  
即見新枝壓舊枝

其二

茂弘不用長年悲淮水東流本與期一日名駒驚俗眼  
奔雲老驥敢言衰

水仙

水仙踰月駐芳馨人物誰堪眼共青白傳有詩皆入律

腥鹹聲裏亦須聽

事見白詩

春初

春初未有象幽興一何深細雨能輸酒輕風不隔琴無  
煩問北信且強學南音白髮寧欺客愁來處處侵

風雪

風雪三冬北江湖二月時怪今阿那事不得作春詩

病目作近體詩五首

病目經旬作夢中只應天意欲教傭詩成願作瞎太祝  
位極耻為盲老公不用千憂徒畫足何妨一笑漫書空  
頗不如喜見人志好在春來六六峯

其二

何事蘭成酷愛愁借愁為樂總宜休天涯二月無新曆

京國三年誤舊遊忽接家書迷遠近欲為客難却沉浮  
道人猶喜頻相遇話盡丹丘更虎丘

其三

江頭未省逢春事風雨朝朝夜夜深皎潔一生餘白髮  
辛勤百計只丹心不疑鄭默世能怨敢恨虞翻論所侵  
明日逢人添俛首會催歸興到山林

其四

沈沈何處有春柔目極無垠風雨秋底事須登七尺劍

要當自掖千金裘圖書不識慙黃絹桃李縱開嘲白頭  
事與願違宜泯泯願違於事更悠悠

其五

愁極猶知吾道尊尚煩幾許北堂萱善人在疚鄉評減  
老物可憎天意存漫使楚囚臨澧浦難教漢使識河源  
著書昔日年猶少老意今朝欲絕言

惜春

待得鶯來花已落斷難料理漫咿嚶便如前哲亦非敵



八斗才當萬斛愁

春色

春色真無賴  
羈人自慨慷  
鶯能嘲客語  
花解笑人忙  
腰  
極休含睇  
欄干枉斷腸  
明朝逢上巳  
何處有流觴

贈道光

老僧講罷結茅廬  
憶昔鳴琴著意餘  
一曲風前三百遍  
十年不作作如初

即事

自言愚似醉休道醉如愚不耻小盤食寧慙握筆書九  
原懷往淚萬里夢同途政恐能知我何妨更罵予

感舊寄上芸叟侍郎

於越茫茫羈旅久函秦落落笑談中曲江煙月新春夢  
寒食人家故國風此際一罇曾邂逅他時相見更從容  
丈人筆力知強健何事書來不吐虹

寄韓君表

別離何用愁天涯塵世由來百感賒白雪恨難逢柳絮

東風悔不識梅花詩書異戶余何有將相同時君莫誇  
聞道近還思卜築好來嵩少共煙霞

感舊

林梢接手百花浮昔與王孫倚小樓風物無情常自若  
男兒何處不堪愁蘭成只憶江南老丞相難忘洛下游  
今日天涯送春淚不堪更為種瓜侯

偶見張天貺奉議書策後題跋感舊作絕句

軒軒衆藝張天貺翰墨悲涼二絕餘今日無人知姓字

史官他日若為書

春盡

春盡天涯恨最長  
啼鶯不識紫遊韁  
空驚綠葉成尖髮  
何處殘英伴落妝

又

何曾有夢到瑤池  
但見狂風落海陂  
簾外飄英紛不識  
誰人尚復憶辛夷

恨同

恨同枉渚頻潮汐情與游絲鬪短長垂釣蠻童緣底泣  
難將心事問何郎

何遜詩云蠻童垂釣泣

二十六弟寄和江子我竹夫人詩一首愛其巧

思戲作二首

莫愁嫵媚主人盧纖質交竿巧得模綠粉敢爭紅粉麗  
魚軒休比鶴軒踈女英漫對湘君泣子政徒青天祿書  
夾膝得名何不韻秋來卧病竟何如

今竹夫人唐人謂之竹夾膝陸龜蒙

竹夾膝詩云最宜秋

一室偏與病相當

又

寥寥故國漫玄盧

玄盧二水在孤竹國

內子可憐殊不模擬比封

君寧有實欲為節婦亦何踈且休深妬斫桃樹枉是多

愁織錦書貧士一妻常不飽更煩譏謫幾人如

阮宣武歎美桃

花妻便大妬斫去其樹出妬記

復次韻寄子我四首

柴門僅付一寒盧不內不妻深有模每與貧當同繾綣  
好來箕帚共蕭疎謝娘莫道能聯句鄭婢無煩亦讀書

前日嫵娟今不見頭槌眼白却能如

醜婦賦曰兩眼深如白又曰頭如研

米槌

## 其二

何須晚嫁獨傷盧雲母無媒自納模虹斷美人情不競  
雨田神女分還踈敢同孫壽巧為態頗稱江淹懶著書  
歎息火籠俱麗質當年風韻本何如

范靖婦竹火籠詩云徒嗟今麗質豈

念昔  
凌雲

## 其三

當年配馬莫嘲盧  
今日化龍還有模  
麈尾雖長君不妬  
搔頭漫短我能踈  
夜寒青女難攜手  
海濶麻姑肯寄書  
五色筆歸空婉婉  
幽篁殘夢自常如

其四

汾陽勲業重彤廬  
涼霍同封不世模  
貧士豈知燕玉暖  
幽眠莫共膩香踈  
從容恥與石為弟  
寤寐欣逢仙降書  
若是雙流參六貴  
錦圍繡被又焉如

次韻和韓君表懷歸見寄



旅夢何為喜別蒿移雲當日自栽松公孫勲業忽垂意  
逋客煙霞豈不容笑語若同遊下澤雞豚亦共卧高春  
莫誇有力先歸去恐愧朝蟬與暮虹

留別延慶明智

傍海嗟為客傾心欣所知煙霞威鳳老岐路斷猿悲夢  
亦西方近談休南本遲

公久欲講  
涅槃經

行行招隱意嵩岫解

相思

余寄和冲弟竹夫人詩并寄子我六首後增一

首自貺

風流何處有崔盧委曲此君為我模草夢枕仙幽意在  
燭奴燈婢故情踈偶人飄蕩泥何恨居士神通木漫書  
葉可作冠聊復爾恨為如意亦何如

還通叟年兄詩卷

白頭從事未拋詩無奈才何復苦饑我易吟愁歸樂土

因君腸斷鄴中時

每恨公不見前輩二三公故云

謝景修惠洞庭春色

洞庭春色何年賦越國王孫幾種愁今日忽親鸚鵡杓  
當家餘韻落芳洲

贈童子蚍蜉

拂拭方山帽安排一複巾春秋書滿架整整莫因循

童答

何敢愛筋力無勞戒勵重但當知諱字間說是微蟲

題畫扇

微禽何處樂獨自託孤枝玉粒知無分清風也自戲

寄昭德兄弟

莫言無合亦何傷  
旅雁卑飛怯稻粱  
南畝荒蕪高少遠  
却來櫟口祭勾芒

又

甬東羈旅情何託  
江北蒼芒恨不收  
盡夜櫓聲來枕上  
猶疑身在木蘭舟

哭程伯威

程子音書歲月賒  
幾年泉下始咨嗟  
孤忠曾奏三千牘

絕藝寧論十四家白髮父號無淚絕青緗兒恨有塵遮  
人生到此成何事第二碑成亦漫誇

觀明道先生桃花菊詩作

歎息天工暫醉時重陽物色艷陽姿便生春思蕪秋緒  
當日董生宜一窺

疊前

董生今日窺園圃幾許傷心涕淚垂金令不行呈木怪  
無端災異樂哀為

題大年閣路逢僧圖

闕深羈思滿風斷綠陰單一遇空門侶那知行路難

次韻任伯再領宗學長句

幾重墨守豈難攻歎息儒珍亦

一作林末

易窮轆轤八紘吟

遠別淒涼一代賦幽通喜君再戴長安日顧我頻驚沙

朔

一作沙漢

風莫恨官曹太清冷宮花時醉上林中

又和西捷

西州五帥議多攻決策曾聞利不窮今日一乘能必取

異時重譯要皆通  
明光喜霽甲兵雨  
沙磧恩搖草木風  
自顧腐儒何所補  
騎豬難在虎狼中

赴鄜州京鄭間途中作

園林葉落丹丘遠  
坂路霜寒白髮侵  
不是關西將家子  
也無詩思著秦音

頃客解梁有詩云中條山下讀周易定是前身  
關子明是時頻與張芸叟侍郎通書亦嘗寄  
此詩呈視今再過此郡遇芸叟之客王六東

起感懷而作

坂路十年塵埃身不知何事往來頻敢言上國非吾土  
自許中條是故人志在韋編徒寡與人亡陸海漫多珍  
龍門有客暫相值頗話年來亦苦辛

河中府追懷亡二兄及思永興十二弟

表裏山河季布州我家兄弟憶同遊芸香寂寞空青冢

二兄學士  
嘗守此郡

絳帳飄零欲白頭

十二弟為  
此郡教授

羈旅即今無好

語登臨自古有高樓頗聞酬唱西巖在闕里諸孫添我



愁

兄弟在此郡時孔毅  
甫提點刑獄多唱和

河中戲作絕句

人物英雄異姓王  
山河生氣尚光芒  
可憐只解誇佳麗  
花落春空更斷腸

途中

十年未就歸山計  
一日歸為保障翁  
無奈征衣中散虱  
可堪行道庶人風  
悠悠秦晉山河在  
漠漠金張冢墓空  
回首江湖二三子  
長宵寒夢亦匆匆

途中寄高仲詔

飄零誰惜別不賦送行詩獨有悲秋客難忘上壠時素  
心慚錦段清淚濕瓊枝塞馬寒來健夫君莫我思

過荆軻塚四絕句

過華踰河勢北傾何人來此葬荆卿千金匕首安知在  
易水寒來尚有情

其二

太子當年計不踈虎狼有劍斷頭顱逡巡不血荆軻手

自要輜輶費鮑魚

其三

刺客傳中軻絕倫後來虺怯寂無人秦人更甚燕人恨  
不葬燕臺留葬秦

其四

貫日白虹可奈何書生容易笑荆軻美新佞黨臨遺冢

慚愧絕無狐兔過

楊子雲柳子厚皆雷  
同罪軻非太史公意

將至鄜州

平生心迹笑元龍今日城邊比蔡邕豈是白頭著書地  
聊當涕泣自從容

初至鄜州見月

此是鄜州月人間應更無欲垂

一作無窮

清夜淚桂影莫扶

疎

延安江漢堂上懷范五丈龍圖堂是五丈所建

煌煌斗柄垂南北浩浩斯人江漢堂橫吹三川星月遠  
雅歌九姓暮天長頗聞病後精神好最是秋來飢食強

誰識得名因伯氏飛鴻送盡更茫茫

堂名本是亡兄無咎於慶州所命

自延還廊懷京師親舊

羈旅無歸不自任重重白髮巧相尋扁舟前歲江湖客  
匹馬今朝關塞心攬古豈無王霸畧窮途只有短長吟  
故人憔悴多如此誰解多情送好音

行縣途中讀柳子厚詩

征衣窮塞暮冬時讀盡龍城太守詩若使生平詩盡在  
濯纓無淚為君垂

直羅縣三絕句

濛濛頡頏亂山阿  
目眩心搖到直羅  
待得羅川平直處  
晚來荀令恨如何

其二

人生不合出都城  
百坂千坡異縣情  
勃勃當年聖人道  
如今孤兔不勝行

縣有聖人道乃赫連勃勃御路也勃勃每事必以聖稱

其三

羌管戎歌亦關新  
長官家勢洛陽人  
相逢且覓山花好

莫話銅駝金谷春

史令君謨洛人

送春

雨裏花開過愁中燕到遲一春都寂寞不作送春詩

葉善養寺簿嘗為鄜州從事有詩送予至鄜作

寄

夫君舊遊地園洛我盤桓旅夢朱絃斷荒山白髮寒文

高驚小阮

其猶子內翰符寶

達晚在長安得慰相思處瓊瑤落

手看

席上有唱歐公送劉原甫辭者次日又有唱東坡三過平山堂辭者今聯續唱之感懷作絕

句

龍門不見鬢垂絲  
莫唱平山楊柳辭  
縱使前聲君忍聽  
後聲惱殺斷腸兒

山城聞笙簫思

闕

靈芝宮事作

笙簫婉孌落人間  
目極靈

闕

不還猶喜遺音吾獨識

且教明月住空山



復入廊城南門

南走京洛道羸驂到却回只應如幕燕自有社相催

過漢武望仙宮在廊寺之西三絕句

海外求仙事渺茫却煩鸛駕訪劉郎金門自有偷桃客  
好試低眉問帝鄉

其二

山下時時聞鳳簫山中處處得蟠桃劉郎仙去何難事  
不用飛樓百尺高

其三

黃金無限不須成  
欲塞河流要負薪  
誰識望仙宮裏事  
只因蕩漾阿嬌春

用仙宮鋪壁上諸人作

香霧漫空玉作塵  
五龍雙鳳細扶輪  
君王不得須臾語  
只有輪臺哀痛身

塗中依韻和高主簿完翁見贈長句

高乃使君之客早休

官

孤宿孤江嗟婉婉窮冬殘夜認璿璣乘槎邂逅關心切  
舒錦綢繆到眼稀豈有梧桐留鳳食端愁霰雪犯征衣  
秦樓老去應無可好聽吳儂緩緩歸

再和

梁武帝詩云人生行樂耳何處不連留

人生行樂留連耳何用千鍾貯寶璣主簿休官如習早  
使君下榻似陳稀已看燕寢玉如意更聽雕梁金縷衣


使君家歌

喉甚妙

莫道塞垣風景惡開花何處侍郎歸

又和

客子吟哦聊遣悶敢將魚目報珠璣寒來何事流水急  
愁裏更堪人住稀使我難忘麋鹿性多君已棄芰荷衣  
山齋永夜宜清話莫只山公倒載歸



景迂生集卷六